

OPĆINA NOVO SARAJEVO

Načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 42. Statuta Općine Novo Sarajevo ("Službene novine Kantona Sarajevo", broj 25/04) načelnik Općine Novo Sarajevo, dana 5. januara 2006. godine, verificovao je

ODLUKU

O KOREKCIJI REGULACIONOG PLANA
"POFALIĆI-VELEŠIĆI"

Član 1.

Usvaja se korekcija Regulacionog plana (u daljnjem tekstu: korekcija Plana).

Član 2.

Korekcijom Plana se koriguje građevinska linija na građevinskoj parceli na kojoj je izgrađen Hotel "Grand" i to na zemljištu označeno kao k.č. 1460/14 i 1460/15 K.O. Novo Sarajevo I, što omogućava dogradnju na istočnom dijelu objekta.

Dogradnja će se izvršiti iznad postojećih dijelova objekta slijedeći vanjsku regulaciju objekta, a u fasadama i visinama slijedeći dimenzije i arhitekturu matičnog objekta. U horizontalnom smislu proširenje matičnog objekta iznosi 3,85 m na južnoj fasadi u ukupnoj dubini od 19,42 m na istočnoj fasadi i 10,62 m na sjevernoj fasadi, odnosno maksimalno proširenje horizontalnog gabarita na istočnoj strani Hotel "Grand" iznosi 4,0 m x 20,0 m x 11,0 m. Kapacitet Hotela "Grand" se povećava za 16 soba.

Član 3.

Korekcija Plana sastoji se iz tekstualnog dijela i grafičkog priloga broj 6: razmještaj, spratnost i namjena objekata, u razmjeri 1:2000 sa detaljem korekcije u razmjeri 1:1000 na kojem je naznačena građevinska linija dogradnje Hotela "Grand" - Tekstualni dio i grafički prilog sa detaljem je sastavni dio elaborata Regulacioni plan "Pofalići-Ciglane" ("Službene novine Kantona Sarajevo" broj 1/03).

Član 4.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u službi dokumentacije u Gradskoj upravi - Služba za urbano planiranje, Općini Novo Sarajevo i Zavodu za planiranje razvoja Kantona Sarajevo.

Član 5.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-2031/05
5. januara 2006. godine
Sarajevo

Načelnik
Općine Novo Sarajevo
Željko Komšić, s. r.

SLUŽBENE OBJAVE

UDRUŽENJA

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja Naučno Tehničko Istraživačko Društvo "NECRON Unlimited", Ministarstvo pravde i uprave donosi

RJEŠENJE

1. Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje Naučno Tehničko Istraživačko Društvo "NECRON Unlimited";

Naziv Udruženja na engleskom jeziku je: Science and Technology Resarch Union "NECRON Unlimited", sa sjedištem u Sarajevu u ulici Mustafe Busuladžića br. 2.

2. Upis je izvršen pod registarskim brojem 846, knjiga I Registra udruženja, dana 13. 10. 2005. godine.

3. Ciljevi i zadaci Udruženja su:

- radi na stvaranju i razvoju masovnog podmlatka, naučne, tehničke, istraživačke, intelektualne i sportske kulture djece, omladine i građana;
- u okviru tehnike iznosi stavove i mišljenja o sistemu takmičenja, te aktivno učestvuje u njegovom kreiranju i sprovođenju;
- organizira sportske priredbe svih nivoa na osnovu utvrđenih kriterija i sportskog kalendara;
- pred organe Saveza aeroklubova BiH, Sportskog saveza, Narodne tehnike, Vojske i državnih organa iznosi prijedloge i zahtjeve sprovođenja aktivnosti, a naročito:
- definiranje nastavnih programa i planova na osnovu kojih se stiču preduvjeti za daljnje školovanje u civilnoj ili vojnoj organizaciji;
- zdravstvenoj zaštiti i osiguranju sportista;
- nabavci opreme za školovanje kadrova i sportsku djelatnost, te planiranju izgradnje, održavanja i korištenja alata, opreme, radionica, učionica i sportskih sredstava;
- informira javnost o sveukupnim rezultatima, posebno sa teritorije svog djelovanja;
- utvrđuje odnos NECRON-a sa svojim zaslužnim aktivistima, sportistima, trenerima, nastavnicima, društvenim radnicima i vanjskim saradnicima čiji je doprinos doveo do razvoja NECRON-a

4. Osoba ovlaštena za zastupanje i predstavljanje je:

- VEDAD SPAHIĆ, predsjednik Udruženja

Broj 03-05-05-9461/05
13. oktobra 2005. godine
Sarajevo

Ministar
Zlatko Mešić, s. r.

(ug-74-K/06)

Na osnovu člana 33. stav 2. Zakona o udruženjima i fondacijama ("Službene novine Federacije BiH", broj 45/02), a po zahtjevu UDRUŽENJA ALTRUISTA ZA POMOĆ OSOBAMA SA MENTALNOM RETARDACIJOM "SVJETLO" SARAJEVO, Ministarstvo pravde i uprave donosi

RJEŠENJE

1. U Rješenju Ministarstva pravde i uprave broj 03-05-05-12018/04 od 31. 1. 2005. godine kojim je upisano u Registar udruženja UDRUŽENJE ALTRUISTA ZA POMOĆ OSOBAMA SA MENTALNOM RETARDACIJOM "SVJETLO" SARAJEVO, pod rednim brojem 786, knjiga I tačka 5. dispozitiva Rješenja mijenja se i glasi:

5. Osobe ovlaštene za predstavljanje i zastupanje Udruženja su:

- HARIS ČAUŠEVIĆ, izvršni direktor
 - BARBARA PUTICA, predsjednica Upravnog odbora
2. U ostalom dijelu Rješenja ostaje neizmijenjeno.